



卷七十二

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷七十二
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

樗里子甘茂列傳第十一 史記七十一

穰侯列傳第十二

史記七十二

穰侯魏冉者秦昭王母宣太后弟也索隱曰宣太后

之異父長弟也姓魏名冉封之穰括地志穰縣在南陽宣太后者惠王之妃姓芊氏曰芊

也八子其先楚人姓芊氏正義曰芊亡爾反秦武王卒

無子立其弟為昭王昭王母故號為芊八子

及昭王即位芊八子號為宣太后宣太后非

武王母武王母號曰惠文后先武王死索隱曰秦

本紀云昭王二年庶長壯與大臣公子為逆皆誅及惠文后皆不得良死又按紀年云秦

肉亂殺其太后及公子雍公子壯是也宣太后二弟其異父長

弟曰穰侯姓魏氏名冉同父弟曰平戎為華

陽君索隱曰華陽韓地後屬秦平戎後又號

州密縣又故華城在鄭州而昭王同母弟曰

高陵君索隱曰涇陽君索隱曰而魏冉最賢

自惠王武王時任職用事武王卒諸弟爭立

唯魏冉力為能立昭王昭王即位以冉為將

軍衛咸陽誅季君之亂徐廣曰年表曰季君

壯與大臣公子謀反伏誅○索隱曰按季君

即公子壯潛立而號曰季君穰侯力能立昭

王為將軍衛咸陽誅季君及惠文后故本紀

言伏誅又云及惠文后皆不得良死蓋謂惠

文后時黨公子壯欲立之及壯誅而太后憂

死故云不得良死亦史諱之也又逐武王后

出之魏亦事而逐武王后出之魏昭王諸兄

弟不善者皆滅之威振秦國昭王少宣太后

自治任魏冉為政昭王七年擄里子死而使

涇陽君質於齊趙人樓緩來相秦趙不利乃

使仇液之秦索隱曰戰國策作仇郝蓋是一

名請以魏冉為秦相仇液將行其客宋公隱索

日戰國策謂液曰秦不聽公樓緩必怨公公

不若謂樓緩曰請為公毋急秦秦王見趙請

相魏冉之不急且不聽公公言而事不成以

德樓子事成魏冉故德公矣於是仇液從之

而秦果免樓緩而魏冉相秦欲誅呂禮禮出

奔齊昭王十四年魏冉舉白起使代向壽將

而攻韓魏敗之伊闕斬首二十四萬虜魏將

公孫喜明年又取楚之宛葉魏冉謝病免相

以客卿霽燭為相其明年燭免復相冉乃封

魏冉於穰復益封陶徐廣曰一作陰○索隱

作陰陶陰字本易惑也王邵按號曰穰侯穰

侯封四歲為秦將攻魏魏獻河東方四百里

拔魏之河內取城大小六十餘昭王十九年

秦稱西帝齊稱東帝月餘呂禮來而齊秦各

復歸帝為王魏冉復相秦六歲而免免二歲

復相秦四歲而使白起拔楚之郢秦置南郡
乃封白起為武安君白起者穰侯之所任舉
也相善於是穰侯之富富於王室昭王三十
二年穰侯為相國將兵攻魏走芒卯上莫卯反下陌
鮑入北宅徐廣曰魏惠王五年與韓會宅陽反正義曰竹書云宅陽一名北宅
括地志云宅陽故城在鄆州滎陽縣西南十七里遂圍大梁梁大夫
須賈說穰侯曰臣聞魏之長吏謂魏王曰昔
梁惠王伐趙戰勝三梁徐廣曰田完世家云魏伐趙趙不利戰於

南梁○索隱曰三梁即南梁也拔邯鄲趙氏不割而邯鄲復

歸齊人攻衛拔故國殺子良索隱曰衛之故國蓋楚丘也下

文故地亦同謂楚丘也戰國策衛字皆作燕子良作子之恐非也衛人不割

而故地復反衛趙之所以國全兵勁而地不

并於諸侯者以其能忍難而重出地也宋中

山數伐割地而國隨以亡臣以為衛趙可法

而宋中山可為戒也秦貧戾之國也而母親

蠶食魏氏又盡晉國索隱曰河西河東河內並是魏地即故晉國今

貪

言秦蠶食魏氏徐廣曰韓戰勝梁子將暴首割八縣

地未畢入兵復出矣夫秦何馱之有哉今又

走芒卯入北宅此非敢攻梁也且劫王以求

多割地王必勿聽也今王背楚趙而講秦索隱

和也楚趙怒而去王與王爭事秦秦必受之

秦挾楚趙之兵以復攻梁則國求無亡不可

得也願王之必無講也王若欲講少割而有

質不然必見欺索隱曰謂與秦欲講少割地而求秦質子恐不然必被秦

欺也此臣之所聞於魏也索隱曰須賈說穰侯言魏人謂梁王若少

割而求質必是欺我願君王之以是慮事也

周書曰惟命不予常此言幸之不可數也夫

戰勝梁子割八縣此非兵力之精也又非計

之工也天幸為多矣今又走芒卯入北宅以

攻大梁是以天幸自為常也智者不然臣聞

魏氏悉其百縣勝甲以上成大梁臣以為不

下三十萬以三十萬之衆守梁七仞之城爾雅

日四尺謂之仞臣以為湯武復生不易攻也

夫輕背楚趙之兵陵七仞之城戰三十萬之

衆而志必舉之臣以為自天地始分以至于

今未嘗有者也攻而不拔秦兵必罷陶邑必

亡索隱曰陶一作魏言秦前攻得魏之城邑秦罷則亡而還於魏也○正義曰定陶近

大梁穰侯攻梁兵則前功必弃矣今魏氏方

疑可以少割也索隱曰貫引魏人之說不許王講於秦是言魏氏方

疑可以少割也願君逮楚趙之兵未至於梁亟

以少割收魏魏方疑而得以少割為利必欲

之則君得所欲矣楚趙怒於魏之先已也必

爭事秦從以此散索隱曰楚趙怒魏之與秦講皆爭事秦是東方從國

於是解散也○正而君後擇焉且君之得地

豈必以兵哉割晉國秦兵不攻而魏必效絳

安邑又為陶開兩道索隱曰穰侯封陶魏效絳與安邑是得河東地

言從秦逼陶開河西河東之兩道○正義曰

獲故封定陶故宋及單父是陶之南道也魏

之安邑及絳樂盡故宋索隱曰上音祈此時宋已滅是秦將盡得

宋地也 衛必效單父 秦兵可全而君制之何索

而不得何為而不成 願君熟慮之高無行危

索隱曰言莫行穰侯曰善乃罷梁圍 正義曰表云魏

安釐王二年秦軍大梁城明年魏皆秦與齊

從親秦使穰侯伐魏斬首四萬走魏將暴鳶

得魏三縣穰侯益封明年穰侯與白起客卿

胡陽復攻趙韓魏破芒卯於華陽下斬首十

萬取魏之卷 丘權 蔡陽長社趙氏觀津且與

趙觀津益趙以兵伐齊 索隱曰既得觀津仍

兵益助 齊襄王懼使蘇代為齊陰遺穰侯書

曰臣聞往來者言曰秦將益趙甲四萬以伐

齊臣竊必之 索隱曰告齊王言秦必定不益

必知秦與趙甲 弊邑之王曰 正義曰謂 秦王

明而熟於計穰侯智而習於事必不益趙甲

四萬以伐齊是何也夫三晉之相與也秦之

深讎也百相背也百相欺也不為不信不為

無行今破齊以肥趙趙秦之深讎不利於秦
此一也秦之謀者必曰破齊弊晉楚正義曰今晉楚
伐齊晉楚之國亦弊敗而後制晉楚之勝夫齊罷國也
以天下攻齊如以千鈞之弩決潰癰也必死
安能弊晉楚此二也秦少出兵則晉楚不信
也多出兵則晉楚為制於秦齊恐不走秦必
走晉楚此三也秦割齊以啖晉楚晉楚案之
以兵秦反受敵此四也是晉楚以秦謀齊以

齊謀秦也何晉楚之智而秦齊之愚此五也

故得安邑以善事之亦必無患矣秦有安邑
韓氏必無上黨矣取天下之腸胃與出兵而
懼其不反也孰利臣故曰秦王明而熟於計
穰侯智而習於事必不益趙甲四萬以伐齊
矣於是穰侯不行引兵而歸昭王三十六年

相國穰侯言客卿竈欲伐齊取剛壽

徐廣曰濟北有

剛壽正義曰故剛城在兗州縣界壽張鄆州縣也以廣其陶邑於

是魏人范雎自謂張祿先生譏穰侯之伐齊
乃越三晉以攻齊也以此時奸說秦昭王昭
王於是用范雎范雎言宣太后專制穰侯擅
權於諸侯涇陽君高陵君之屬太侈富於王
室於是秦昭王悟乃免相國令涇陽之屬皆
出關就封邑穰侯出關輜車千乘有餘穰侯
卒於陶而因葬焉秦復收陶為郡

太史公曰穰侯昭王親舅也而秦所以東益

地弱諸侯嘗稱帝於天下天下皆西鄉稽首
者穰侯之功也及其貴極富溢一夫開說身
折勢奪而以憂死况於羈旅之臣乎

索隱述贊曰

穰侯智識	應變無方	內倚太后
外輔昭王	四登相位	再列封疆
摧齊撓楚	破魏圍梁	一夫開說
憂憤而亡		

穰侯列傳第十二

史記七十二

白起王翦列傳第十三

史記七十三

眉

白起者郿人也。正義曰郿音眉岐州縣善用兵事秦昭

王昭王十三年而白起為左庶長將而擊韓

之新城。索隱曰在河南也。正義曰今洛州伊闕是歲穰侯相秦

舉任鄙以為漢中守其明年白起為左更攻

韓魏於伊闕。正義曰今洛州南九十里伊闕山號曰龍門是斬首二

十四萬又虜其將公孫喜拔五城起遷為國

尉。正義曰言太尉涉河取韓安邑以東到乾河。徐廣曰音